

Umhverfis-og loftlagsstefna Sýslumannsins á Vesturlandi

Framtíðarsýn

Á seinustu árum hefur skapast mikil vitund um umhverfisáhrif ýmissar starfsemi og lífshátta. Breyting hefur átt sér stað á neyslu og umhverfishegðun og fyrstu skrefin að umhverfismenningu umhverfi hafa þegar verið stigin, til dæmis með flokkun sveitarfélaga á úrgangi. Að mörgu öðru er þó að hyggja og móta þarf því skýra stefnu um það hvernig skal haga málum. Við hjá embætti Sýslumannsins á Vesturlandi (SMV) tökum nú næsta skrefið í átt að þeirri umhverfismenningu sem við viljum búa við.

Umhverfisvernd og vistvænni lifnaðarhættir eru studdir af ýmsum stofnunum, reglugerðum og lögum, t.d. [Grænu skrefunum](#), sem er umhverfismenningu opinberra stofnana. Þetta krefst þess að stigin séu ákveðin skref til að ná því markmiði að mynda umhverfisstjórnunarkerfi. Sýslumaðurinn á Vesturlandi hefur ákveðið að hefja göngu sína til að ná þessu markmiði.

[Loftlagsstefna](#) Stjórnarráðs, sem kom út 2019, mótar einnig stefnu okkar en hún krefst þátttöku allra opinberra stofnanna í að efna skuldbindingar Íslands á sviði loftlagsmála:

„Haustið 2018 kynnti ríkisstjórnin aðgerðaáætlun í loftslagsmálum 2018–2030 um að draga úr losun gróðurhúsalofttegunda um 40% fyrir árið 2030. Áætlunin krefst samstillts átaks allra í samfélaginu. Aðgerðaáætlunin er helsta tæki stjórnvalda til að tryggja að Ísland nái markmiðum Parísarsamningsins til 2030 og markmiði ríkisstjórnarinnar um kolefnishlutleysi árið 2040“

(Bl.6. Loftlagsstefna Stjórnarráðsins. Apríl 2019)

Einnig má nefna [lög um loftlagsmál nr. 70 /2012](#).

Markmið laganna, samkvæmt 1. gr., er:

- a. að draga úr losun gróðurhúsalofttegunda með hagkvæmum og skilvirkum hætti,
- b. að auka bindingu kolefnis úr andrúmslofti,
- c. að stuðla að aðlögun að afleiðingum loftslagsbreytinga, og
- d. að skapa skilyrði fyrir stjórnvöld til þess að standa við alþjóðlegar skuldbindingar Íslands í loftslagsmálum.

Yfirmarkmið

Í samræmi við ofanritað viljum við hjá SMV takmarka neikvæð umhverfisáhrif sem geta skapast vegna vinnu okkar. Við viljum vera þátttakandi og fyrirmynd í þessari þróun sem nú á sér stað.

Að fyrirmynd Stjórnarráðsins viljum við hjá SMV draga úr losun okkar á gróðurhúsalofttegundum um 40% fyrir árið 2030, miðað við árið 2020. Það ætlum við að gera með því að skipta yfir í vistvænni samgöngur, koma á samgöngusamningum og draga úr úrgangsmýndun.

Aðrir umhverfisþættirnir sem við munum fylgjast með og leggja áherslu á verða orkunotkun, úrgangslosun og fræðsla starsfanna.

Umfang

Stefna þessi á við um allar starfsstöðvar okkar: á Akranesi, í Borgarnesi, Búðardal og Stykkishólmi. Nær hún yfir allan innri rekstur, samgöngur, rafmagns-og hitavatnsnotkun.

Áherslur í umhverfis-og loftlagsmálum

- Regluleg fræðslu til starfsmanna um vistvæna lífnaðarhætti innan, jafnt sem utan vinnustaðarins.
- Að henda engu í hugsunarleysi– við flokkum, endurvinnum eða gefum áfram. .
- Að leita að vörum sem bera umhverfisvottun eða lífræna vottun.
- Að reyna innan ramma kerfisins sem við störfum eftir að finna stafrænar eða rafrænar lausnir – t.d. fjarfundir í stað ferða eða skjýgageymsla í stað bréfasendinga.
- Að vinna að stöðugum úrbótum. Með notkun græns bókhalds getum við séð tölulega hvar við stöndum og hvar úrbóta er þörf.

Markmið 2021-2

Skuldbinding Sýslumannsins á Vesturlandi við vistvænni starfshætti hófst með þáttöku í Grænum skrefum. Þess er krafist að öllum fimm skrefunum sé náð á árinu 2021. Vinnan var þegar hafin seinni hluta árs 2020 og teljum við eftirfarandi áætlun vera raunhæfa:

2021

Mars	Maí	Júlí	September	Desember
1.skref	2.skref	3.skref	4.skref	5.skref

Markmið umhverfis-og loftlagsstefnu



Eftirfylgni

Stefna þessi verður birt á síðu Sýslumanna á Íslandi (syslumenn.is) undir okkar embætti. Á þriggja ára fresti endurskoðar starfshópur Grænna skrefa innan SMV hana og uppfærir ef þörf er á. Ásamt endurskoðun verða sett ný markmið, farið verður yfir það sem vel gekk og bætt úr því sem fór miður.